



જેણી સુરજ ચંદ, મેંરામણ મોતી પચે
'ક્યાત તોંજે હંધ, કરછ ! પ્રથમીજે પાટતે !'

તંત્રી : માધવ જોષી "અરક"

સોંણે મેં

રાત ભન્યો અવસર મૂંલા, મનઠાર સોંણે મેં,
ધિલ ભરેનેં મૂં ડિઠા, ધિલધાર સોંણે મેં

લગ્ગો અંડોતે ભુત મથે, હુઈ કેસર ગરઈ,
ખણીં અચે ઉજારો જી, ભગમીં સાંજ ઢરઈ
જિલ ભનઈ ભેજાર ચખેલા, મઘલાર સોંણે મેં,
રાત ભન્યો અવસર મૂંલા, મનઠાર સોંણે મેં.

તીર ભનીનેં ખુચી રેં, ઉ અણીયારી અખીચૂં,
કુલ ગુલાભી ચપેં હેઠ, ત્ર ભેરીચૂં ત્રિખીચૂં,
કંકણા જો સાર્યો સનૂં, રણકાર સોંણે મેં,
રાત ભન્યો અવસર મૂંલા, મનઠાર સોંણે મેં.

ચેલ જે હેલે કંધોરો, ધ્યોતે ડોલં-ડોલ,
કનેં મથે સોભારા, બૂટીયા ગોલં-ગોલ,
નથડી જે હીરે જો ડિઠો, જબકાર સોંણે મેં,
રાત ભન્યો અવસર મૂંલા, મનઠાર સોંણે મેં.

કટાભ આભલેં ભરેલો, કસેં વારો કમખો,
ઓઢણી જી કીનાર મથે, રંડ રંડજો કુમકો,
ચાલજે તાલ મેં જાંજર કેં, ઝણકાર સોંણે મેં,
રાત ભન્યો અવસર મૂંલા, મનઠાર સોંણે મેં.

- હરેશ ઘરજી 'કસભી'

વરે : ૧૨ : અંક : ૩ : સપ્ટેમ્બર ૨૦૦૫
ભદ્રો ૨૦૬૨ રૂપિયા ૧૦-૦૦ ડાં

કુંજલજી કુણકાર

તંત્રી : માઘવ જોષી 'અશક' વર્ષ : ૧૨ : અંક : ૩ : સપ્ટેમ્બર ૨૦૦૫
મુખપૃષ્ઠ તસ્વીર સૌજન્ય : જે. કે. તિવારી

સંગર

૧. કચ્છી બારાખડી.....૦૨
૨. ડૉ. કાન્તી ગૌર.....૦૩
૩. મૂંજી પોથી૧૩

ખાસ સૂચના : કોય પણ કૃતિ બે કે પણ સામયિક-અખબારમે પ્રગટ થિઈ હૂવે ક પ્રગટ કરે લાય હલાયાં 'વાં, ત ઉ કૃતિ અસાંકે મં હલાઈજા. અપ્રગટ કૃતિ જ હલાયણી, કૃતિજે અભિપ્રાયજી જવાભધારી કર્તાજી આય.

ખાસ સૂચના : કૃતિ ગમે તેતરી નિન્દી હૂવે તૌય પણ પોસ્ટ કાર્ડ, ઈન્લેન્ડ લેટર ક પોય કે કાગરજે ટુકર મથે મં લિખજા, પણ ફૂલસંકેપ કાગર મથે, વડે ને સાફ અખરે કાગરજે હિકડે જ પાસે, હાંસિયો છડેને લિખી હલાયજી વિનંતી આય. કૃતિ બાબત જલાપ ક અસ્વીકૃત કૃતિ પાછી ખપંધી હૂવે ત, ઠિકીસવારો-પૂરે સરનામેવારો કવર કૃતિ ભેરો હલાયણું જરૂરી આય.

સૂચના : વરેમે બારો અંક-હર મેણે પ્રગટ થિયેંતા.

આજીવન લવાજમ : મોભી સંરક્ષક : રૂ. ૫,૦૦૦/-, સંરક્ષક : રૂ. ૨૫૦૦/-.

સાથી : રૂ. ૧,૦૦૦/-, શુભેચ્છક : રૂ. ૬૦૦/- વાર્ષિક લવાજમ : રૂ. ૧૦૦/-

જાહેરખબર : રૂ. ૫૦૦/- વટાં કરેને રૂ. ૨૦૦૦/-ને તેનું વધુ (સ્થાન પ્રમાણે)

હરેક પ્રકારજા લવાજમ ક જાહેર ખબરજી રકમ મની ઓર્ડર ક બેન્ક ડ્રાફ્ટસે માઘવ જોષીજે નાલે હલાયજી વિનંતી આય.

લવાજમ ને જાહેર ખબરજા ભાવ 'મા બોલી'જી સેવાજે ચક્ષમે આહૂતિ ડેજા 'ભાવ' અઈં

: કાગર વૈવાર, મની ઓર્ડર, બેંક ડ્રાફ્ટ હલાયજો સરનામું :

માઘવ જોષી 'અશક' જે નાલે હલાઈજા

તંત્રી/વ્યવસ્થાપક 'કુંજલજી કુણકાર', મઢ-કચ્છ. ૩૭૦ ૬૨૫

તંત્રી, મુદ્રક, પ્રકાશક, માલિક : માઘવ જોષી 'અશક'

મુદ્રણ-પ્રકાશન સ્થાન : શ્રીજી ઓફસેટ-ભુજ

કોમ્પ્યુટર ટાઈપ સેટીંગ : જી. આર. કોમ્પ્યુટર સર્વિસ-ભુજ

visit us at www.asanjokutch.com

કુંજલજી કુણકાર (૧) સપ્ટેમ્બર - ૨૦૦૫

देवनागरी - गुजराती लिपि में कच्ची वर्णमाला

ક	ખ	ગ	ગ્	ઘ	ઙ	ચ	છ	જ	ઝ
(ઝ)	ઞ	ટ	ઠ	ડ	ઢ	ણ	ત	થ	(દ)
ધ	ન	પ	ફ	બ	ભ	મ	ય	ર	લ
વ	શ	(શ)	(ષ)	હ	ઙ	(ળ)	ક્ષ	જ્ઞ	
ક	ખ	ગ	ગ્	ઘ	ઙ	ચ	છ	જ	ઝ
(ઝ)	ઞ	ટ	ઠ	ડ	ઢ	ણ	ત	થ	(દ)
ધ	ન	પ	ફ	બ	ભ	મ	ય	ર	લ
વ	શ	(શ)	(ષ)	હ	ઙ	(ળ)	ક્ષ	જ્ઞ	
અ	આ	ઈ	ઈ	(અિ)	(અી)	ઉ	ઊ	(અુ)	(અૂ)
એ	ઐ	ઔ	ઔ	ઔ	ઔ	અં	અઃ		
अ	आ	इ	ई	(अि)	(अी)	उ	ऊ	(अु)	(अू)
ए	ऐ	ऑ	ऐ	औ	औ	ऑ	औ	अं	अः

कच्ची में झ, द, श, ष नें ळ हिनीं व्यंजनेंजो (अखरेंजो) अुपयोग करेमें नथो अचे.

जींयं त : कच्चीमें 'झ झबलेजो झ' नं प 'ज जबलेजो ज' लिखाजे नें बोलाजे तो. 'द-दडे जो द' नं, प 'ड-डडे जो ड' लिखाजे नें बोलाजे तो.

कच्ची बोलीमें फक्त सिगाड़ी जे 'स' जो ज अुपयोग थीये तो. 'श-शकोरेजो श' क 'ष-धनुषजो ष'जो अुपयोग नथो थीये. प अिते 'श' नें 'ष' जे ठेकाणें 'स' जो ज अुपयोग थीये तो.

कच्चीमें 'ळ-नळ जो ळ' नं-प 'ड नड जो ड' लिखाजे-बोलाजे तो क पोय 'नल' लिखाजे-बोलाजेतो.

कच्चीमें 'ड' नें 'ज' जो अजा ताइं प छूटसें अुपयोग थीये तो. जींयं त - मुड नें अुज. डाडणीं नें जज.

असीं हस्व 'इ' (i) नें हस्व 'उ' (u)जो अुपयोग फकत 'इ' नें 'उ'जे लघु वीवृत्त अुचार पूरतो ज करीयो ता. भाकीं हस्व 'इ' नें हस्व 'उ' (u)जे भधले दीर्घ 'ई' नें दीर्घ 'ऊ'जो ज अुपयोग करीयो ता.

કૂંજલજી કુણકાર (૨) સપ્ટેમ્બર - ૨૦૦૫

નંદ ધુનીયાં

નાટક

દશ્ય-૧

(હિકડી નિન્દડી હૉટલને સીન આય. આનંદ અચીને વંતો)

- સંતોસ : બોલો કુરો ડીયાં ? કોફી ને સેન્ડવીચ ?
આનંદ : તોકે તાં આઅૂં છેલે બી ડીએસેં જુકો ઑર્ડર ડીયાં તો અૂ ભરાભર જ આય !
સંતોસ : હા સાચેભ, રોજ ટેમોટેમ અચીંધલ ગિરાકેંને અસાકે પૂરેપૂરો ખ્યાલ 'વે તો.
આનંદ : શાલ તાં તોજી સચી આય ! માડૂ અિનજી આઘતેસેં ઑરખાજે તો. પણ અજૂ તોકે નીરાંત લરો તી ! તોજી રેસ્ટોરન્ટમેં બોરી ગડધી પ નતી લરો.
સંતોસ : તડેં તાં આં વટ અુભો રધને તડાકા મારીઆંતો !
આનંદ : તોજો સેઠ તોકે કીં ચેં નતો ?
સંતોસ : અંધ કડેં સેઠકે હિતે ડિઠાં અયાં ?
આનંદ : શાલ તાં મુઘેજી આય ! તૂં જ ઑર્ડર ગિનેં તો. તૂં જ વેઈટરને કમ કરીચેંતો નેં તૂંજ પઈસા ગિનેં તો. અિનજો અરથ ઇ જે...
સંતોસ : હા, આઅૂં જ નોંકર નેં માલીક પણ આઅૂં !
આનંદ : પણ તૂં વેઈટરને કમ કુલા કરીચેંતો ? બ ખન ટાભરીયા રખી ગિન, તોકે પ થોડી નિવરાંત રોંધી.
સંતોસ : મૂંજો નાલો સંતોસ આય ! સંતોસ મીશ્રા ! ગિરાકેંને સંતોસ ઇ મૂંજો મૂઢાલેખ આય!
આનંદ : પણ તેમેં તોકે વેઈટર ભનેજી કીં જરૂર નાંચં !
સંતોસ : જરૂર આય ! આઅૂં મૂંજેં ગિરાકેંસેં વેવાર કરીયાં નેં મૂંજો નોંકર ઑર્ડર ગિને તેમેં ફેર પેં !
આનંદ : સે કીં ? કુરો ફેર પેં !
સંતોસ : ગિરાક પ માડૂ અંધ ! ખાલી ખાસી ખાસી ચીજ ખારાચસેં જ ઇ રાજી નતા થીએ. પાં અિનીસેં જુકો મોંભતીલો વેવાર કરીચોં અંડો નોંકર થોડો જ કરીચેં ? હી કીં વડી રેસ્ટોરન્ટ નાંચં નેં વરી હી છેવાડેને વિસ્તાર આય. જુકો ગિરાક હિકીચાર અચે અૂ બિઅીચાર પ અચે ત જ ઘંધો હલે તીં આય.
આનંદ : શાલ ભરોભર આય, માડૂ માતર ભાવ નેં હુમભને ભુખ્યો 'વે તો.
સંતોસ : માડૂ હૉટલ ક રેસ્ટોરન્ટમેં કડેં વિને ? ઘરમેં જિનકે મજા અચે અંડો ચટાકેવારો ભનંધો ન'વે તડેં માડૂ બાર નાસ્તો કેલા ક જિમેલા વિને !
આનંદ : કાં ત ઘરમેં કોચ ભનાયવારો ન'વે ત બાર ખાઘેલા વિને.
સંતોસ : નેં કાં ખાસ્ચિં ચીજૂં ભનાઈઘે ન અચીંધ્યૂ 'વેં તડેં પણ બાર હૉટલમેં વિને !
આનંદ : નેં કંરક ઘરજા સંજોગ ભઘલાજેં, ઘરમેં ખાઘેજો મન ન થીએ તડેં બાર ખાઘેલા વિને!

ફૂંજલજી કુણકાર (૩) સપ્ટેમ્બર - ૨૦૦૫

- સંતોસ : વડીલ, અકે ઓછો ન અચે, ખોટો ન લગે ત હિકડી ગાલ પુછેજો મન થીએતો !
- આનંદ : ખોટો લગાયજી મૂંજી અમર નાંચં નેં ઓછો અચેજો કારણ નાંચં. તૂં પુછ, જુકો પુછણૂં આચ સે પુછ.
- સંતોસ : વડીલ, અઇં મૂંજા માનવારા ગિરાક અચો ! ડિસે વાસે ખાસે ઘરજા લગોતા ! રોજ હોટલમેં નાસ્તો કેલા અચોતા સે અસાંલા તાં ખાસી ગાલ આચ ! પણ થોડી નિવાઇ લગેતી ! કુરો અઇં હેકલા રોતા ?
- આનંદ : નાં ભા, મૂંજે છોકરે નેં છોકરેજી વચૂ ભેરો રાંતો. તોસેં મન ભિરી વ્યો આચ અિતરે ચાંતો. કન ચુસા કરીનેં સુણાજ. અજુ અુગોજી જ ગાલ આચ.
- દશ્ય-૨ : આનંદજો ઘર
- સૂશીલા : સુણો તા, આંજી ચાય ચડાઇ આચ. તઇયાર થિઇનેં જપાટે નીચેં અચો. પોચ ચોંધા જે ચાય ઠરી વિઇ આચ !
- સુધીર : હેંવરઇં અચાં તો ડાલોંગ ! જિરા મૂંજા મોજા ગોતી રખજ!
- આનંદ : વચૂ બેટા ! ભેરાભેરી મૂકે કોંફી પીરાઇ ડચો. અંડી આઇત પિઇ વિઇ આચ જે કોંફી પીધેલા ન ભિલે તેસીં શરીર ઠંપમેં નતો અચે !
- સુશીલા : સુણો તા ! આંજે બાપૂજી કે કોંફીજી તકડુ આચ. ઘરમેં ભલેં નિવરા વિઠા 'વેં. અકે ભલેં મોંડો થીએ પણ અિનીકે કોંફી ટેમોટેમ ભિલઇ ખપે નેં મૂંજા તાં કર હજાર હથ અઇં સે મિણીજો ટેમ સાંચવીઆં. આચૂં તાં સાવ નિવરી અઇયાં !
- સુધીર : તૂં મૂંલા ચાય તઇયાર કર પોચ કોંફી ભનાઇજ.
- આનંદ : વચૂ બેટા ! આંજી ગાલ સચી આચ ! અુગોજે પોરમેં અકે સોં કમ 'વેં. હી તાં મૂંજચૂં આઇતૂં ખરભ અઇં. અકે નિવરાંત થીએ તડેં કોંફી ભનાઇજા.
- (સુધીર અચેતો)
- સુધીર : બાપૂજી, અઇં આંજચૂં આઇતૂં થોડચૂં સુધારચોં ત ખાસો ! ઘરમેં થોડો કિકરાટ ઓછો થીયે !
- આનંદ : પુતર, તોંજી મા મૂકે મિડ્ ચીજૂં હથ તેં ડીંધી હુઇ પોચ કોંફી હૂએ ક ટૂથબ્રસ. હિનીં આઇતેસેં ભેજાર થિઇ વ્યો અઇયાં !
- સુશીલા : મૂંજા સસ તાં ભગવાનજે ઘરેં પુજી વ્યા તેકે ત્રેં મેંણાં થિઇ વ્યા, તોંચ અકે મિડ્ ચીજૂં હથ તે ખપેંત્યૂં. સસજો તાં બાનૂં આચ !
- આનંદ : વચૂ, અિતરે કુરો અઇં ઇં ચેલા મડોતા જે આચૂં ચાઇ કરીનેં અકે હેરાન કરીઆં તો ?
- સુધીર : બાપૂજી, અકે હેડી સમજણ આચ ત પોચ રોજ મથાકુટ કુલા કરચોંતા ?
- સુશીલા : નેં આંજી તબીચત પણ રતી રાયણ જેંડી આચ ! બ પણ હલીનેં પિન્ડજા કમ કરી ગિનોં ત આંજી તબીચત પણ ખાસી રોંધી નેં મૂકે પણ નીરાંત રોંધી !
- આનંદ : નેંચોં વચૂ, સજે ડીમેં અુગોજો હિકડો ટાણૂં કોંફી ભનાચ ડચોંતા તેલા આંજો આભાર ! ભાકી આચૂં અકે કોચ પ ગાલમેં હેરાન નતો કરીયાં અિતરે અકે કીં વઘારે સુણાયજી જરૂર નાંચં.
- (સુધીર ડીયાં નેરેનેં) નેં સુધીર, તૂં હીં ચુપચાપ સુણોં વિઠો સે તોંજી ઘરવારીકે કીંક

ફૂંજલજી કુણકાર (જ) સપ્ટેમ્બર - ૨૦૦૫

- ત ચોં.
- સુશીલા : ઇ કુરો ચોંધા ? ઇ તાં પેલેસેં જ માવડીયા અઇ ! ઇ તાં મૂંજ સસ ગુજરી વ્યા પોચ અિતરો ફેર પ્યો આચ જે ચુપ રેંતા. નકાં તાં હરકોચ ગાલમેં મૂંજો જ ગુનો 'વે તીં મૂંતે જ છિટકંઘા હુઆ. હાણેં થોડી શાન્તી થિઇ આચ !
- આનંદ : હા, આંજી ગાલ ભરાભર આચ. આંજી સસ ગુજરી વ્યા તેંસેં આંકે શાન્તી થિઇ આચ નેં આચૂં ગુજરી પોચ આંકે સમૂરી શાન્તી થિઇ વેંઘી !
- સુધીર : સુશીલાજી ગાલકે અઇ અંઘી ઝિનોંતા બાપૂજી, અઇ ઘરજી શાન્તીમેં આગ લગાચોંતા નેં અસાંજે સંસારમેં પણ...
- આનંદ : આચૂં આગ લગાઇયાં તો ઇ જ તૂં ચેલા મકે તો ભરાભર ?
- સુશીલા : મૂં અંઘો તાં નાંચં ર્યો જે મૂંજ સસ ગુજરી વ્યા તેંસેં અસાંકે ક મૂંકે શાન્તી થિઇ આચ. હા, મૂંજી સસજે મોંતસેં આંકે શાન્તી લગંઘી હૂએ ત સે આંઇ જાણોં નેં મૂંજી સસજો આતમા જાણે !
- આનંદ : વચૂ, અસાંજો સંસાર તાં હાંણેં ભૂતકાળ ભની વ્યો ! અૂ પ સંસાર હુઓ નેં હી પણ સંસાર આચ !
- સુશીલા : જેમેં આંકે કોંફી પ નતી મિલે ઇં જ નં !
- આનંદ : ખાસો ક્યાં અઇ મૂંકે કોંફી સંભારી ડિનાં સે ! આચૂં હાંણેં વિઆતો કોંફી પીઘેલા હોંટલમેં.
- સુધીર : તેં કનાં કોંફી પીઘેજો જ છડી ડચોં. આંકે પણ શાન્તી નેં અસાંકે પ શાન્તી !
- આનંદ : પુતર, તડેં હાંણે તોંકે મૂંજી કોંફીજો ખરચો પ ભારી પોંણ લગો આચ કોં ?
- સુશીલા : વડી અુમરમેં જિતરી આઘતૂં ઓછચૂં તિતરો ખાસો !
- આનંદ : હા, પોચ હિકડી આઘત આચ બ ટાણાં ખાઘેજી ! સે પણ છડાઇ ડચોં અિતરે જાન છુટે !
- સુધીર : સે આંજી મરજી જી ગાલ આચ ! વડપણમેં તાં હિકડો ટાણૂં પ ગુન્ઘ થિઇ પેં નેં જિભજો ચસકો જિતરો ઓછો તિતરો ખાસો !
- આનંદ : વા, પુતર વા ! અજ તોંજો સચો રક ડિહો ! ઇ તાં ખાસો આચ જે થોડી ઘણી રકમ મૂંજે હથમેં આચ નકાં ત મૂંજા કંડા હાલ થીએં ! પિન્ઠ તાં ટેસમેં ચાચજા સબાકા ડીએંતા નેં મૂંકે કોંફી છડેજો તા ચેં ! આચૂં વિઆતો હોંટલમેં કોંફી પીઘેલા !
(સુશીલા ડીયાં નેંરેનેં અુભા થીએંતા)
- સુશીલા : તેમેં મૂંજા રજા ઝિનેજી પ જરૂર નાંચં નેં મૂંકે સુણાયજી પ જરૂર નાંચં. આચૂં તાં ચાંતી રોજ હોંટલમેં જ કોંફી પીજા. મૂંજી તાં જાન છુટે !

દશ્ય-૩ : હોંટલ

- સંતોસ : આંજી હી ગાલ સુણીનેં મૂંજો તાં મથો ફાટે તો ! અઇ હિતે કોંફી પીઘેલા અચીજા. પઇસા ટકા ન'વેં તોંચ ચિન્ઘા મં કજા. હિનકે હોંટલ નં પણ આંજો ઘર સમજજા !
- આનંદ : કમાલ આચ ! ઘરમેં માડૂએકે જિન સુખ શાન્તીજો અનૂભવ થીએ સે મૂંકે હિત હોંટલમેં થીએ તો ! મૂંજે ઘરમેં આચૂં મૂંજે પુતર નેં નોંલા કરીનેં વઘારેજો ભાર અઇયાં ! અુતે મિણીકે આચૂં પારકો લગાં તો ! હિત તાં આચૂં પઇસા ડિઇનેં પેટ ભરેલા

કૂંજલજી કુણકાર (૫) સપ્ટેમ્બર - ૨૦૦૫

અચાંતો ત હિલે મિઠી મૉલત મિલેતી ! હુમ્લ નેં હેત મિલેંતા !
 સંતોસ : તડેં તાં હિન સંસારકે અટપટો નેં ઘરીયા જંડો ચેમેં આચો આચ નં ! ઘરીયાજો તર
 ગોતણૂં, અિનજો છે ગિનણૂં નેં સંસારકે સમજી ગિનણૂં, ઇ બોંચ ચીજૂં સંલીચૂં નંઈ!
 આનંદ : સંતોસ, તોંજી અુમર જે હિસાલમેં તોમેં હેડી સમજણ કિડાનૂં આવઈ ?
 સંતોસ : અનૂભવ જંડો ગુરૂ ઘુનીયાંમેં બ્યો કોચ નાચં ! અૂ જ મિડું સિખાચ તો !
 આનંદ : તોંજી ગાલ ભરાભર આચ. હિન સંસારજો મિઠો સવાડ તોંજી હોંટલમેં ચખ્યો. હાણોં
 અિનજો કડસો સવાડ ચખેલા ઘરેં વિનાતો !

દશ્ય-જ : ઘર

સુશીલા : હેડા મોંડા અચોંતા સે ટાણેં તે ઘરેં અચોંધા 'વોં ત ? મૂંજો રસોંડો નિપટાઈ વ્યો.
 આંજા પુતર જિર્મીનેં અુભા થ્યા. કીં કમ ન નેં કાજ નેં બાર પ્યા રિખડોં સે અંકિ કીં
 વીચાર જ નતો અચે ! પોચ ચોંધા જે ઘરેં ખાઘેલા નતો મિલે.
 આનંદ : વચૂ, ખારા મં થીઓં, આચૂં હોંટલમેં કોંફી પીઘેલા વ્યો 'વો સે થોડો મોંડો થિઈ
 વ્યો.
 સુધીર : સે હોંટલ કુરો અમેરીકામેં આચ ?
 આનંદ : પુતર, હોંટલજો માલીક સુભાવજો ખાસો આચ, અિતરે થોડો મેડાવો થ્યો.
 સુશીલા : આખો ડીં હોંટલમેં મેડાવો કર્યોં તા તેંસેં અસાંજો બાર કિતરો ખરાલ લગેતો તેંજો
 વીચાર ક્યાં અંચાં ?
 આનંદ : ઘરમેં વ્યાં તોંચ કારીચારો થીએ નેં બાર વિના ત આંજી આભરૂ વિને ! હાંણે મૂંકે
 કુરો કેંણૂં ?
 સુધીર : હાંણેં બ્યો કીં કરેજી જરૂર નાંચં. માંનીં ખાઈ ગિનોં ત હિનજી જાન છુટે !
 સુશીલા : આઈં તિખો ખાઈ સગોં નતા અિતરે આંલા સાગ્ર તાં ઓછો જ ભનાચો 'વો. રુખી
 માંનીં આં વટાનૂં ચબાજે નતી. ત ઈં કર્યોં છાયજો વાટકો ભરી ગિનોં. છાયમેં બોળીનેં
 માંની ખાઈ ગિનોં.
 આનંદ : ભલેં, ભલેં, ટાંણેં તે જિર્કી કીં મિલે સે ભગવાનજો પિરસાઘ સમજણૂં ખપે. મૂંકે
 છાય-માનીં હલંધી !
 સુશીલા : છાય ઘરમેં થોડી આચ. તિફૂં મં ડીજા. અિનમેં માંનીં બોળીનેં ખાઈ ગિનજા.
 (આનંદ છાય વાટકેમેં વિજેંતા ત નિપટ પાણીં જંડી હૂએતી !)
 આનંદ : મૂંકે તાં હિન છાય નેં પાણીંમેં ખાસ કીં ફેર નતો લગે. આચૂં હી કરસીચો પાણીજો
 ભરીનેં રખાંતો. પોચ છાય ખુટેજો વાંધો જ ન અચે !
 સુશીલા : સુણોંતા ? બાપૂજી ચેં તા જે આચૂં અિનીકે છાયજે નાલે પાણીં પીરાઈયાંતી.
 આનંદ : નાં ! વચૂ બેટા ! નાં ! આચૂં ઈં ચાંતો જે ગઢેગઢપણમેં હાંણેં વરી સવાડ કંડા ?
 હાંણેં તાં બ ટુકર માંનીં જા ખપેં બ્યો કુરો ?
 સુધીર : હા, હાંણેં મૂંકે મિડું ખબર આચ જે અંકિ જિભજો ચટકો તાં આચ જ નં ! હોંટલમેં તાં
 અઈં ફિરેલા વિઓંતા. અંકિ સ્વાડલા કીં થોડો જ અુતે વિઓંજો મન થીએતો ?
 આનંદ : હોંટલમેં આચૂં કુલા વિના તો, સે તાં મૂંજો રામ જાણે તો ! (નીસાકો વિજેંતા)
 સુશીલા : ભલેં અઈં ગમે તિતરા નીસાકા વિજોં, તેંસેં અસાંજો કીં ફિટેવારો નાંચં.

ફૂંજલજી કુણકાર (૬) સપ્ટેમ્બર - ૨૦૦૫

આનંદ : વચ્ચે અંધ અંધ તરો જામ રખાં, કોઈ માઈતર પિન્ડજેં છોકરેંજો કડેં સોંણેંમં પ ભુછો
ન વાંછે !

દશ્ય - પ : હોંટલ

(આનંદ હોંટલમેં ધાખલ થીએંતા)

- સંતોસ : અચોં, અચોં કાકા ! અજુ આંકે બિપોરેં ટેમ મિલી વ્યો !
- આનંદ : અજુ મન નિપટ ખટો થિઈ વ્યો ! ઘરેં અુકલ્યો નતે એતરે હિન ભરા નિકરી આચોસેં.
- સંતોસ : ભલેં આચા. અંધ અચોંતા ત મૂકે પ ઠીક લગેતો. મૂકે ઈં લગેતો જે કર મૂંજા માઈતર
આચા !
- આનંદ : આચૂં ટાણેં કુટાણેં અચીનેં તોજે ઘંઘેમેં આડો ત નતો અચાં નં ?
- સંતોસ : કંડી ગાલ કર્યોં તા ? માઈતર કડેં આડા અચેં ? આંજો મોં ચેંતો જે અંધ માંનીં નાંચં
ખાધાં ! ખોટો મં બોલજા !
- આનંદ : હેંવર થોડા ડીં થયા તરનૂં મૂંજે છોકરેજી વચ્ચે મૂકે છાય નેં માનીં ડેતી. વરી માનીં પ
અગલે ડીંજી વાસી 'વે તી !
- સંતોસ : કુરો ચોંતા ? હી તાં હઘ ચોંવાજે ! હાંણેં અજુ મૂકે નાં મં ચોંજા. મૂંજો ટીફીન હી પ્યો
આચ આચૂં ખાઘેલા વિહેજી તઈચારીમેં જ 'વોસેં પલા મૂકે હેકલે હેકલે ખેણું કડેં
ભાંસે નતો. માઈતરજે મૂરમેં વિઈનેં માંનીં ખાઘેસેં માંનીંજી મિઠાંસ વઘે નેં વરી
અનમેં વડીલજી વાલપ પલા ભિરે !
- આનંદ : તોજી બાઈ-અઘા કિડાં અંધ ? તો ભેરા નતા રેં ?
- સંતોસ : લાતૂરજો ઘરતીકમ્પ આંકે સમભરેતો ? અૂ ઘરતીકમ્પ મૂં મથાનૂં વડીલેંજી છતરછાયા
ખણીં રિડેં. આચૂં નોંધારો થિઈ વ્યો ! અુતે જીવ ન લગો. હિતે માંમાંજે ઘરેં આચો
નેં હી રેસ્ટોરન્ટ ચાલૂ કિઈ આચ ! અસીં અંડા અભાગીયા જે અસાંકે વડીલેંજી
સેવાજો લાવો ન મિલ્યો !
- આનંદ : વા ! હિનજો નાલો સંસાર ! કિતક છોકરા માઈતરેંલા સિકેંતા નેં કિતક છોકરેકે
માઈતર અખીચેં ડિઠા નતા આડેં ! ભગવાન આંજેં માઈતરેજે ભઘલમેં મૂકે કોઠાઈ
રિડેં 'વેં ત ખાસો થ્યો 'વો !
- સંતોસ : અંડો નાંચં માઈતર ! માઈતરેંજી આસીસ નિસીભમેં 'વે ત મિલે ! નિસીભમેં ન 'વે
ત માઈતર વિઠા 'વેં તોચ અુનીંજા આસીસ રિનેજો ન સુજે. હાંણે અંધ મૂં ભેરા
માંનીં ખચોં. અસાંજો ખોરાક આંજે કનાં થોડો અલગ આચ પલા આંકે વાંધો નઈ
અચે.
- આનંદ : આંકે પંજાબી ચીજેં જો શોખ લગે તો !
- સંતોસ : મૂંજી ઘરવારી પંજાબી આચ. અૂ જિંકી ભનાય સે મૂંજી પસંદ ! રેસ્ટોરન્ટજો ન ખાઘેજો
મૂંજે હોમ મીનીસ્ટરજો મૂંતે સખત ઓર્ડર આચ !
- આનંદ : આંઈ તાં કચ્છી લાટ કુછોંતા ! પલા અંધ કચ્છી નતા લગોં.
- સંતોસ : આચૂં મૂર બીહારજો. મહારાષ્ટ્રજે લાતૂરમેં બાપૂજી ભઘલી થિઈ. અુતે પંજાબી
છોકરીજો પ્રેમ મિલ્યો. લાતૂરજે ભૂકમ્પ પુઆ ત્રાણૂંજી સાલમેં હિતે આચો. કચ્છ
ભેરો મૂકે કચ્છીસેં પલા પ્રેમ થિઈ વ્યો આચ !

કૂંજલજી કુણકાર (૭) સપ્ટેમ્બર - ૨૦૦૫

- આનંદ : વા ! પાંજે દેશજી વીવીધતામેં એકતાજો અઇં તાં હિકડો જભરો દાખલો અચો !
- સંતોસ : લાતૂરમેં સિખેલા મિલ્યો જે, પાંજો કીં પણ નાંચં ! પાં તાં હરેક ચીજુજ રખવાલા અઇંચૂં ! ત હિલી મિલીનેં કુલા ન હલણૂં ? કુલા ન ખોણૂં-પીણૂં ? પ અકે મૂંજી પંજાબણજી રસોઇ કંડી લગી ?
- આનંદ : કિતરે ટેમ પુઠીયા હેંડો ખાઘેલા મિલ્યો આય ! હિકડી તાં લાટ રસોઇ નેં તેમેં વરી ભનાઇંધલજો ભાવ ભિરે પોચ વ્યો કુરો ખપે ?
- સંતોસ : અઇં રોજ હિતે અચો. આચૂં ટીફીન સેલો ભરી અચીંધો. મૂંજી ઘરવારી પણ રાજી થીંધી ! પાં બોંચ ભેરા વિઇનેં ખાબો.
- આનંદ : રોજ તાં ન અચાજે પ આચૂં સાવ લાચાર થિઇ પોંધો નેં આંજી હુભ નેં હેતજી જરૂર પોંધી તડેં અજ વારે જીં નોંતરે વિગર અચીંધોસેં. સંતોસ, ઘંધાપાણી તાં ભરાભર હલેંતા નં ?
- સંતોસ : અરે કાકા, આંજી જ વાટ નોંચો તે ! બ ચાર ડીં થ્યા હિન ભરા વરક્યા નચો. મૂંજો તાં આંમેં જ જીવ લગી ચોં આય ! અજ વિએજી તકડ મં કજા. પાં નીરાંતેં મેડાવો કબો !
- આનંદ : તોંકે ઘંધેજે ટાણેં તે મેડાવો સુજે તો સે ઘંધો નતો અુકલે ?
- સંતોસ : ઘંધો પ થીંધો નેં મેડાવો પ કબો, અઇં બ મિલીટૂં વ્યો, આચૂં પુઠીયાજી ટેબલ તાં માજી વટાનૂં ઓર્ડર ગિનીનેં હેંવરઇં અચાંતો.
- આનંદ : ભલેં, ભલેં, તૂં તોંજે ગિરાકેકે પતાય આચૂં તાં નિવરો માડૂ અઇંયાં.
- સંતોસ : વડીલ, અઇં મૂંકે સરખી નેં સચી સલા ડચો, આચૂં ગિરાકેકે પતાઇંધો ત જલમેં વેંધો ક નં ?
- (બોંચ ખિલી પ્યા !)
- આનંદ : અરે ભા ! ઇં તાં અસાંજી ભાષા જ અંડી આય ! ગિરાકેકે પતાયજો મતલભ અિનીંજે ઓર્ડર મથે ધ્યાન ડિઇનેં અિનીંકે સંતોસ થીએ તોંડી સેવા ડેં !
- (સંતોસ માજી વટે વિએ તો)
- માજી : હી રેસ્ટોરન્ટ આય ક કુરો આય ? એ ભાઇ ! અકે ઓર્ડર ન ગિનણૂં 'વે નેં ગિરાકેંજી જરૂર ન 'વે ત આચૂં હિતાનૂં રવાનીં થીયાં. હી કુરો ઘંધેજી રીત આય !
- સંતોસ : અરે માજી ! નારાજ ન થીચો. ચિપટી વજાઇંધે આંજી પસંદગીજચૂં ચીજૂં હાજર કરીયાં. બોલો, કુરો હુકમ આય ?
- માજી : માજી ! માચકૂટ ! આચૂં તોંકે માજી લગાંતી ? ગિરાકેસેં ગાલ કરેજી તમીજ પણ નાંચં !
- આનંદ : હી અવાજ કીંક જાણીંતો આય ! હી તાં વીચૂકતાજો અવાજ !
- સંતોસ : મેંડમ ! મૂંકે માફ કર્યો ! મૂંજો મતલભ તાં માન નેં આદર વતાયજો 'વો. ભાર્કી આંજી અુમર તાં મૂંનૂં પણ ઓછી આય !
- માજી : ચાંપલાઇ છડ ! આચૂં એડી નિન્ટી નઇયાં, મૂંજો નાલો વીચૂકતા આય.
- આનંદ : વા ! વા ! વીચૂકતા તૂં ! હજી પણ તોંજે સુભાવ અંડો જ તિખો મિરચેં જંડો આય ! પાં કોલેજમેં ભણાઘા 'વા તડેં 'વો તોંડો જ અજ પણ આય !
- વીચૂકતા : આનંદ તૂં ! પણ તોંકે હી કુરો થ્યો આય ? હી સફેદ વાર નેં મોંતે હી હેડા મિડેં સર...!

કૂંજલજી કુણકાર (૮) સપ્ટેમ્બર - ૨૦૦૫

આનંદ : વીચૂકતા, અજ મૂંજી અમર અઠાવન વરેંજી આય. તૂં મૂં ભેરી ભણંધી હુઇયેં તેંસેં તોંજી અમર ચાલી વરેંજી તાં ન જ 'વે. નેં આઅૂં ઘોંરેં વારેંકે કારા નતો કરીયાં. તોંચ સંતોસ તોંકે માજી ચેં સે તાં ભારભર ન જ કેં. અજ પણ તૂં પિન્જાજી પણ નતી લગેં!

વીચૂકતા : તોંચ તૂં તાં બોરો થકલો નેં નિરાસ લગેંતો ! તભીચત તાં ભરાભર આય ?

આનંદ : તૂં હિતે કિતાનૂં ? તોંજો કુટમ ?

વીચૂકતા : તોંકે ખબર ન હૂંધી પણ મૂં વીયાં જ નાંચં ક્યા. હિતે મૂંજી ભઘલી થિઇ આય નેં આઅૂં મૂંજી નોકરી તે હાજર થિઇ અઇયાં.

સંતોસ : મેંડમ, હાંણેં આંજો ગુસ્સો ઓછો થયો હૂએ ત ઓર્ડર ડચો. આંજી સેવામેં આઅૂં કુરો હાજર કરીયાં ?

વીચૂકતા : તડેં આઅૂં તાં આનંદ જિકી ચેં 'વેં સે ખેંધીયા. અિનજો ઓર્ડર ઇ મૂંજો ઓર્ડર !

આનંદ : ત્રી વરેં મોર પાં ભેરા થીંધા હુઆ તડેં જિકી ખેંધા હુઆ અૂ જ ઓર્ડર આઅૂં હિતે રોજ ડીંઆં તો !

વીચૂકતા : કોંફી નેં સેન્ડવીચ ?

સંતોસ : હા, આનંદભાઇ રોજ ઇ બ ચીજૂં મડાઇચેંતા નેં કેરક ખેંધે ખેંધે અૂનેં વીચારેમેં ગરક થિઇ વિએતા ! અિનીજી હેંડી હાલતજો કારણ મૂંકે અજ સમજાજેતો !

વીચૂકતા : કુરો સમજાજે તો ?

સંતોસ : અજ પણ અઇં હિતરા જાજરમાન નેં પ્રભાવશાળી લગોંતા ત તડેં...

વીચૂકતા : તડેં કુરો ?

આનંદ : ખંડહર બતા રહા હે કી, ઇમારત બૂલંદ થી !

વીચૂકતા : આનંદ, આઅૂં તોંકે મારીંધીયા ભલા, તોંકે આઅૂં ખનર લગાંતી ?

સંતોસ : અિનીકે મારેંજી ભઘલી અઇં આંજા ખાર હિન ચાય નેં કોંફી મથે અુતાર્યોં પણ અઇં છૂટા કીં પ્યા ઇ મૂંકે ચોંધા ત આંજી વડી મરભાની થીંધી !

વીચૂકતા : આનંદ, હોંટલજે માલીકસેં હૂંણૂં ખપે તેંનૂં તોંજો નાતો કીંક વઘૂ આત્મીચતા ભરલ આય! સે કુલા ?

આનંદ : વીચૂકતા, હી સંતોસ હોંટલ ખાલી માલીક જ નાંચં, પણ ઇ માડૂજો પણ ભુખ્યો આય ! પ્રેમજી લાગણીવારો આય !

સંતોસ : માડૂજો ભુખ્યો અિતરે આઅૂં રાક્ષસ અઇયાં ? વરી મથાનૂં અઇં મૂંકે પ્રેમજી લાગણીવારો પ ચોંતા ! મૂંકે કીં સમજ નતી પેં !

વીચૂકતા : સંતોસભાઇ, અસાંજી કરછી તાં કરછી આય ! માડૂજો ભુખ્યો અિતરે અિન ડીયા બ્યા માડૂ અચેં ત રાજી થીએ અેંડો ! હાંણેં કીં સમજાણૂં ?

સંતોસ : આં જેંડી સુન્દર નેં હુસીયાર મેંડમ સમજાય નેં ન સમજે અેંડો મૂરખ તાં કોચક જ 'વે!

વીચૂકતા : (રાજી થિઇ નેં મુરકેતી !)

આનંદ : હાંણે તૂં ઇ ચોં જે તોં વીયાં કુલા ન કે ?

વીચૂકતા : પાંજે વીયાંજો મૂંજા બાપૂજી વીરોધ ક્યાં. આપઘાત કે જી ઘમકી ડિનાં. પાં છૂટા પ્યા

કૂંજલજી કુણકાર (૯) સપ્ટેમ્બર - ૨૦૦૫

તેસૂઘીજી પાંજી વારતા તાં તોંકે જબર આય !

- આનંદ : હા, પણ પોય કુરો થયો ?
- વીચૂકતા : મૂં પણ બાપૂજીકે ચિઈ ડિનોં જે, આંજી ગાલ મૂં રખઈ આય. હાંણોં અઈં મૂંજી ગાલ પણ સુણીં ગિનોં જે મૂંકે બે કિતક પેંણાયજો આગ્રહ કંઘા ત આઅૂં પણ મૂંજો જીવ ડિઈ ડીંઘીયા. તેનીંથી અજ સુઘી હેકલી અઈંયાં હાંણો તોંજી ગાલ કર.
- સંતોસ : આઅૂં જ ચિઈ ડીંયાં આનંદભાઈ આં વટાનૂં નિરાસ થિઈનેં પાછા આયા. અિનીંજે બાપૂજીજે આગ્રહવશ લાચાર થિઈનેં અિનીં વીંયાં કયાં. પણ મનમેં તાં અજ સૂઘી અકિ જ સંભારીંઘા ચાં અઈં !
- આનંદ : તોંકે કીં જબર પિઈ ?
- સંતોસ : કીંક ગાલ આંજો મોં નંરીનેં સમજાણીં નેં કીંક મૂંજે હિન્દી ફીલમેંજે અભ્યાસસેં.
- વીચૂકતા : આનંદ, તૂં સુખી તાં અઈંયેં ક ન ?
- આનંદ : યોગીતા મૂંકે ભરપૂર પ્રેમ ડિનેં પણ ઈ રજા ગિનીં વિઈ. અિનજે સ્વર્ગવાસ પોય મૂંજી જિન્ધગી મૂંલા કરીનેં ભારરૂપ થિઈ પિઈ આય !
- વીચૂકતા : આનંદ, આઅૂં હેકલી રાંતી. હાંણો હિન અુમરમેં વાસનાજી કોય ભુખ નાંયં. પણ આઅૂં તોંકે કડેં પ ડુખી ડિસી નતી સગાં. જ તોંકે વાંઘો ન હૂંએ ત પાં ભેરા રિઈનેં હિકડેં બેંકે હિન ગઢપણજેં ડીંએમેં આસરો આઘાર ડિઈ સગાં.
- સંતોસ : આઅૂં તાં મૂંજા મા-પે વેંલા જ વિનાયા અઈં ! અઈં બોંચ જેંણાં અસાં ભેરા હિત જ રોં. અસાકિ આંજી સેવાજો લાલ મિલંઘો !
- વીચૂકતા : ઈ તાં ન થીએ. પણ આનંદ, તૂં મૂંજી ગાલ તેં વીચારીજ. સવારે ૨૬ જાન્યૂઆરીજો અઈં વરોં પાં હિતે ભેરા થીબો. તોંર કીંક નીર્ણય કરીબો.

દશ્ય - ૬ : ઘર

- સુઘીર : બાપૂજી, આંજો વીચાર કુરો આય ? ઘરેં અચેજા આંજા કોય હેકાણાં નઈં. આખો ડીં હુન હોંટલમેં પ્યા 'વોં તા.
- આનંદ : નંર પુતર, અકિ ઓછેમેં ઓછી હંરાનગતી થીએ તોંડી રીતેં આઅૂં રાંતો. તેમેં અકિ વાંઘો કુરો આય ?
- સુશીલા : અઈં ગમે તીં કર્યોં પ્યા. બાર ખંઓ-પીઓ તેમેં અસાંજી ભઘનામીં થીએ તી!
- આનંદ : આંજી કુરો ભઘનામી થીએ તી ? કેર ભઘનામીં કરે તો ? નાલા ડચોં. આઅૂં અૂનીકે જભાલ ડીંઘો.
- સુઘીર : કેંકે જભાલ ડીંઘા ? ગામજે મોંતે ગેંણાં થોડા જ બઘાજેં ?
- આનંદ : ત કુરો ગામકે રાજી રખેલા મૂંકે ડુખી થીંણૂં ? આંજા અપમાન સેન કેંણાં ?
- સુશીલા : અકિ બાર રિખડણૂં આય ! ઘરજો ખાઘેજો અકિ આડે નતો નેં વંગ અસાંજો કઢણૂં આય !
- આનંદ : વઅૂ, મૂંકે મોંમેં આંગરૂં વીજીનેં કુછાયોં મં. આં બીંલા ઘરમેં લાટ લાટ ચીજૂં રઘાજેં નેં મૂંકે અગ્લે ડીંજો થઘો કુતા પણ ન ખેં તોંડો ખાઘેલા ડચોંતા. સે આઅૂં પણ માડૂ અઈંયાં.
- સુશીલા : કોંરક ઘરજે કમકાજમેં ન રસાજે તોંર થઘો પણ ખેંણૂં ખપે. અકિ ત્રેં ટાણાં ગરમાગરમ

કૂંજલજી કુણકાર (૧૦) સપ્ટેમ્બર - ૨૦૦૫

- રસોઈ ખારાયણીને આંજા મિઠું પાંપરા સેન કંઈલાં ઇ મૂં ગીયાનૂં નઈ થીએ.
- આનંદ : અઈ મૂંકે હોંટલમેં ખાઘેલા વિએજ ના ચોંતા નેં ઘરમેં મૂંકે ખારાય પીરાયજી આંજી તઈયારી નાંચં, ત મૂંકે કુરો કંઈલૂં ?
- સુધીર : પણ અઈ હીં હોંટલમેં ખાઘે પીઘેલા વિઓં તેમેં અસાંજો ખરાલ લગેતો તેંજો કુરો ?
- આનંદ : ત કુરો આંજો ખાસો લગે તેંલા કરીનેં આચૂં ઘરમેં રિઈનેં લુખ મરાં ?
- સુશીલા : ઘરમેં રોંલૂં 'વે ત અસાંજી સગવડ પ્રમાણે અકિ રોંલૂં ખપે.
- આનંદ : ઘરમેં રિઈનેં લુખ મરેજી પણ મૂંજી તઈયારી નાંચં નેં માંઘા પેજી પણ હાંણેં મૂંજી આભર નાંચં. સજો સારો અઈયાં તોંય અકિ આડો અચાંતો ત માંઘો પાં ત મૂંજી ચાકરી કેર કરે ?
- સુધીર : ત અકિ કુરો કંઈલૂં આચ ?
- આનંદ : આંચૂં બાર રેલા વિઆ તો. કિતે વિઆતો સે પુછેજી અકિ કીં જરૂર નાંચં.
- સુશીલા : મૂંકે તાં ખબર જ હુઈ. અકિ બાર રેલા વિએજો બાનૂં ખપ્યો તે. હોંટલમેં ડિનેલા આં ગીયા પઈસા અઈ. ઘરમેં ડિનેલા આં ગીયા કીં પણ નાંચં ?
- આનંદ : હાંણેં મૂંકે સમજાણૂં આંજે પેટમેં કિતે ડુખેતો ? મૂં ગીયા કિતરી મૂડી આચ તેંજી સુધીરકે ખબર આચ. મૂંજી મિઠું મૂડી સુધીરજે ઇંઘેમેં લગાઈ છડઈ આચ. મૂંજે નાલે તે બેન્કમેં અિતરી જ રકમ આચ જેંસેં મૂંકે ખાઘે પીઘેમેં લાચારી ભોગવણી ન ખપે. આંજો વેવાર ભરોભર ચોં 'વો તો ઇ પણ અકિ ડિઈ ડિનીં વી. પણ હાંણેં મૂંકે ભરોંસો નાંચં!
- સુધીર : પણ બાપૂજી, અઈ હીં વિઓં તા સે ભરાભર નાંચં !
- આનંદ : ભરાભર આચ ક ન સે તૂં તોંજી ઘરવારીકે પુછીનેં નિકી કજ નેં વચૂં નેંરી ગિનોં મૂંજી બંગમેં બ જોડી કપડેં સિવાય બ્યો કીં પણ નાંચં ! અચીજા ! ભગવાન અકિ સુખી રખે !

દશ્ય - ૭ : હોંટલ

- સંતોસ : નેંચોં, મૂંજી ગાલ સુણોં. અઈ બોંચ અસાં ભેરા રોં. અઈ બોંચ અસાંજા માઈતર અચોં!
- વીચૂકતા : સંતોષ, તોંજો બોંરો આગ્રહ આચ ત બ-ત્રોં ડીં તોંજા મેંમાણા થિઈનેં રોંબો, પોચ નેંરીબો.
- આનંદ : અરે, હી મૂંજો ટેબલ ઘુબેતો ! આચૂં આખો તો ડોલાં ! હી કુરો થીએતો ? (ઘરતીકમ્પજી ઘણાઘણાટી સુજેતી!)
- સંતોસ : ભજોં, જપાટે બારા ભજોં હી ઘરતીકમ્પ આચ ! (ભજોંજો અવાજ ! જગાઈચૂં છણેજા અવાજ !)
- વીચૂકતા : હે ભગવાન ! હી કુરો થિઈ ચોં આચ ! નેંચોં તાં ખરા હી વડચૂં વડચૂં બીલ્ડીંગું ત્યૂં છણેં !
- આનંદ : આચૂં ઘરેં વિઆતો. મૂંજા છોરા કંડી ખબર કંડી હાલતમેં હૂંઘા !
- વીચૂકતા : તોંકે હજી પણ તોંજા છોરા તા સમ્ભરેં ?
- સંતોસ : હા, અઈ જપાટે વિઓં. મિણીકે હિતે કોહી અચોં.

કૂંજલજી કુણાકાર (૧૧) સપ્ટેમ્બર - ૨૦૦૫

દશ્ય - ૮ : હોટલ

- સુશીલા : બાપૂજી, અંધ ન આયા 'વા, ત અસાંજો કુરો થ્યો 'વો? અંધ હીમત કરીને આંજે પુતરકે બાર કઢયાં. બેં ફરીએવારેકે પલા ભયાયાં.
- સંતોસ : અિતરે તાં ચાંવાણું આય નં, છોરૂ કછોરૂ થીચેં પલા માઈતર કુમાઈતર ન થીચે !
- સુધીર : બાપૂજી, મૂંકે માફ કર્યોં ! મૂંકે ખબર આય, આઅું આંજી માફીજે લાયક નઈયાં !
- આનંદ : હી ટાણું હેંડી ગાલીચેંજો નાંચં. કઈક માડૂ તકલીફમેં અંધ ! મિણીકે મઘઘ કરીચોં.
- સુશીલા : પલા પાં રોંબો કિતે ?
- સંતોસ : મૂંજે ઘરેં ! મૂંજો ઘર નેં હોટલ બોંચ સલામત અંધ ! લાતૂરજે ઘરતીકમ્પજો મૂંકે અનૂભવ 'વો તેસેં મૂં હિની બોંઈ મકાનેંજી અડતર ઘરતીકમ્પકે નજરમેં રખીને અિજનરજી સલા પ્રમાણેં કરાઈ આય તેસેં અજૂ સલામત રિઈ વ્યા !
- વીચૂકતા : સંતોષ, તું બીહારજો અઈયેં. તોંજી ઘરવારી પંજાબી આય. તોંચ અંધ હિતે મિણીકે મઘઘ કર્યોંતા ! આંજી લાગણીં નેં ભગવાન વટ મૂંજો મથો નમાઈયાંતી !
- સંતોસ : પંજાબ હૂએ ક બીહાક, કરછ 'વે ક કાશ્મીર પાં મિડું ભારતીય અઈયું ! પાં મિડું ભેરા અઈયું નેં ભેરા રોંબો. પોચ ઘરતીકમ્પ વે ક પરદેશીએંજો આક્રમણ !
- આનંદ : વા ! સંતોસ વા ! હુતે નર તોંજી પંજાબણ તાં તોંજી હોટલજે આંગણમેં રાહતકેમ્પ ચાલૂ કરી છડેં આય !
- સુશીલા : ભારી જિગરવારી બાઈ આય ! મિણીકે હીમત ડેતી નેં ચાય પીરાયતી ! આઅું વિગાતી અિનકે મઘઘ કરેલા.
- વીચૂકતા : સંતોષ, મૂંજો નાલો વીચૂકતા આય. મૂંકે કાયમ અંડો લગંધો 'વો. જે, આઅું હેકલી અઈયાં ! જનમ જનમજી વિજોગણ ! અજૂ આઅું સંચૂકતા ભની વિઈ અઈયાં ! હી આખો દેશ મૂંજો કુટમ આય ! આઅું મિણીજી સેવા કંઘીયા, મૂંજો કુટમ મૂં ભેરો 'વો પલા મૂંકે ડિસાંધો ન 'વો ! હલોં, હિન ઘરતીકમ્પજી મજાલ કુરો જુકો પાંકે તોડી સગે ? પાં હિકડા થિઈનેં હિન એરીઆજો નવસર્જન કબો ! પાં પાંજા વરજર મિડું ભુલીનેં હિકડી નઈ ઘુનીયાં ભનાઈબો !

કમલાકાન્ત છોટાલાલ એક્સ્પોર્ટ્સ પ્રા. લિમિટેડ

શ્રી રામ ઈન્ડસ્ટ્રીયલ એસ્ટેટ, કામાણી નજીક, કાલે માર્ગ, બેલ બજાર, કુર્લા (પ.)
મુંબઈ ૪૦૦ ૦૭૦, ફોન : ૨૫૧૪ ૦૨ ૩૭, ૨૫૧૪ ૭૯ ૮૦
ફેક્સ : (૦૨૨) ૨૫૧૧ ૨૨ ૮૫, ૨૫૧૧ ૩૩ ૪૨

ફૂજલજી કુણકાર (૧૨) સપ્ટેમ્બર - ૨૦૦૫

मूंजी पोथी

कृषीधाम : पानंघ्रॉ : सुकर : ०२-१०-६४

१

जनम भोंमका जी अुकोंढ !

विओी रात मॉडे ताओीं निन्धर न आवओी ! बिपॉरजो जरूर कलाकखन निन्धर किओी हुओी. प, खास करेनें त बाबूभाओी (मूंजा भेंगओीया) नाणसर व्याते अुनीं भेरी मूंजी टपाल गुराओी हुओी तेमें सिन्धीया स्टीम नॅवीगेशन कम्पनीजी डायरेक्ट-ओिन-चार्ज श्रीमती सुमतीबेन मोरारजीके १०-०९-६४जो किराचीजे कोम्प्लीमेन्टरी पॅसेजजो लिख्यो हो तेंजो जवाब आयो नें बाओी साहेब मूंके मडओी-किराचीजो रीटर्न कोम्प्लीमेन्टरी पॅसेज डेजो सेंकशन क्यो 'नों नें तें प्रमाणे मेसर्स कानजी जाधवजी कम्पनी, मांडवीके हुकम डेमें आयो आय, ओीं बाओीसाहेब वती श्री डी. यू. अंताणी लिख्यो हों, अिन कारणसें मूंजो किराची प्रयाण हांणें जरूर नजीक आयो आय, ओीं प्रत्यक्ष थींधे ज्ञानतंतूअें अुशकेराट अनूभव्यो अेतरे निन्धर न आवओी !

२

खीमचंद महाशय

३०-९-६४ बुधवारजो सवारो खीमचंद महाशयके अिनजी पुनर्वसवाट लोनजी रकम माफ करेजी अरजी श्री समाहर्ता (कलेक्टर) साहेब, राजकोट ते लिखी डिनी. श्री खीमचंद सचपच नीःस्वार्थ नें नीखालस कार्यकर आय ! सेवाजी धूनमें नांय पेंण्यो क नांय ख्याल कें आजीवीकाजो ! वृद्ध माता नें पिन्ढजो गुजरान भी मुश्कीलसें करे तो ! अेतरे सिरकार अिनजी लोनजो लेंगूं राओीट ऑफ करे त तेमें कीं भी खोटो नांय.

नेरण करेनें (सीराण पीनें) अिनके अरजी लिखी नें डोंयं खन वगें रवानूं थिओीनें फुलरे व्योसें मामद मींयांजी वटे. अिते अिनीं मिणीं चर्चा नें पुछा क्यो चडणींअेंजी नें अिनींजे त्रासजी!

३

चडणीं

चडणीं पाकस्तान (सिन्ध)में खून करेनें भजी आया अओीं नें अचींधडे ज अिनींजे हिकडे संबंधी (अलाभचाये)के कच्छमें शादी कराय डेजो आसरो डिओीनें फुर्यो (नें भेरो कोटे आया) तें बाबत तपास करेजी मींयांजीके सूचना डिनीं. काल सवारो फुलरेनूं पानंघ्रॉ आयोसें.

४

अॅस.टी. जी बस

नारायणसरोवरनूं बस आवओी तेमें धनजीभाओी जेटी ड्राओीवर हुवा. अिनीं भेरो भुज डेपो मेनेजरके बस कोटेश्वर हलाय लाय नें बसजे समयमें फेरफार करेजो पत्र हलायो नें रंडीयेजे हप्ते बाबत श्री शीवलालभाओीके पत्र लिख्यो.

५

होडा

अज काकूभाओीजे घरें अिनींजे पिताजो श्राद्ध हो, से प्रेमसें जिम्योसें !

कस्टम्स अिन्स्पेक्टर सोलंकी सवारो बसमें आया अुनीसें होडुके बाबत चर्चा थिओी.

ईंश्लशु कुणकार (१३) सप्टेम्बर - २००५

काकूभाभी च्यों जे, आंजे गामवारा.....भेरा अर्ीं. (कोटेसरमां ब होड़ा कस्टम्सजी चॉकीमां पाकस्तानवारा खणीं व्या, तेंजी ही गाल आय.)

‘कच्छमित्र’ ते होड़के बाबत नें खन (जी कारी भजार) बाबत पत्र लिखीनें काकूभाभीके डिनूं नें पोय सामनदास भेरो कृषीधामते आयोसें.

अश्वीनकूमर च्यों जे, अज़ ‘गांधी जयंती’ आय, त अर्ीं रातजो सभामें प्रवचन करीजा.
क : १९-०० (सांजीजा सत)

तेरो : सुकर : ९-१०-६३

(कृषीधाम-सिन्धनूं आयल भणसारीअें भारतीय संयुक्त सहकारी खेती मंडळी भनायनें पानंध्रॉजी ओतरली सीममें अढअी हजार अेकर सिरकारी जिमीनते खेती क्यो हो. हिकड़ो त डुकार नें ब्यो गॅरवओवट नें आपसी मतभेदजे कारणसें ही मंडळी वींटाजी विओी!)

मंडळीजे आगेवानेसें मूंजा घणां सारा संमंध हुआ! हिकड़ा त अू ‘हमवतन’ नीराश्रीत हुवा नें ब्या त भणसारी असांजा-सारस्वत भ्रामणेजा जिजमान थीअें अतरे मूं अुनीके भन्यो अेतरो साथ डिनूं हो.)

अश्वीनकूमर प्रवचनजो च्यों, प माडू मिडूं तमाम थकी र्या ‘वा अेतरे प्रोग्राम मॉकूफ र्यो. शनीवार, ३जो भी कृषीधामते होसें. अश्वीनकूमर रात (विओी रात के अर्ीं ‘रात’ चोंता)जो च्यों जे अमरसींभाओी (मंडळीजा आगेवान) लिख्यो ‘नों जे, माहीतीखाते (भुज) वारेके खबर नांयं.

(मूं फार्मजी खेती प्रवृत्तीजी फील्म अुतारेजी गुजरातजे माहीती खातेके लिख्यो हो तेंता अुन खातेजा कॅमॅरामेन वगेरे अचेवारा हुवा तेंजी ही गाल आय.)

४ ता. रवीवारजो भी फार्मते होसें.

शुक्रवार जी रातजो न खाधो नें शनीवारजो वॅली सवारजो नांयण व्योसें. मॉड़ो आयोसें. अश्वीन च्यों जे, ‘नेरण’ तओीयार आय. मूं नेरण न क्यो. प जडें मानीं खाधी तडें, कर कालजी नें अज़जे ‘नेरण’ (सीराण)जी भी कसर निकरी विओी ! काकूभाओीजे छोकरे खीचू (चाग जो नां) अेतरो पिरछें त जेसें रातजो वरी प न खाधो !

रवीवारो नेरण क्यो नें पोय मानीं खाधी (आअूं अुनीं डींयेमें रवीवारजो मौन त रखंधो होसें प अज़ जीं अुपवास-फलाहार नथे क्यो.)

६

लेख

‘कच्छमित्र’ नें ‘तरुण’ जें दीपोत्सवी अंके ला’ अनूक्रमसें १. ‘नारायणसरोवर-कोटेश्वर’ नें २. ‘लखपत’ ओी ब लेख सज़ो डीं लिख्या. रातजो फाओीनल क्या नें बे डीं सोमवारो फेर कॉपी लिखओी.

७

मूंजा भेंगओीया

रातजो लालवाणीजी (मंडळीजा मूख्य व्यक्ती) आया. अुनीं च्यों जे, ‘अवांजे भेंगओीयेखे हिकसौ पंज डीग्री ताव आय!’ तेंतां मानीं खाओीनें ट्रॅक्टरसें पानंध्रॉ व्योसें. लालवाणीभाओी च्यों तडें ज मूं न्यार्यो हो जे हांणे बाबूभाओीके ठीक हूंधो ! प, भेंगओीया हुवा एतरे व्योसें. माता

ईं४ल७ कुणकार (१४) सप्टेम्बर - २००५

अगर भाके ज हीं तकलीफ थीये नें मूके लग्गे (मास थीये)जे हाणें ठीक हूँधा, त न विज्ञा. जीयं त मीठापुर (ओखा)में माताजी भिमार थ्या नें कानजीमांमां ज़ामनगरमें च्यों तडें मूं अुनीके च्यो हो जे, बाओके ठीक आय अँडो अज़ काग़र अचींधो ! नें काग़र आयो अतरे आअूं अून डीं नें नें बे डीं मीठापुर व्योसें.

पानंध्रॉ जया (भेंग)जे घरें व्योसें. बाबूभाओके ठीक हो अतरे फार्मते वापस आयोसें.

सोमवार ५-१०-६४जो सवारो 'खीरसर' (तरा)ते न व्योसें नें 'मकूवारी' (तराओ)ते व्योसें. हिकडो माडू निपट नगम थिओनें तराओमें व्यो ! वा ! अिनके 'प्रीमीटीव'चों क पोय कपडेंके न भिज़ाय खातर ओं कयं ?

नायनें आयोसें नें परबारो वेलेमलजे घरं नोंतरो मिल्यो. लेखजी फेरकॉपी लिखओते तेसूंधे अश्वीन नॅरण लाय सड क्यो. प च्यो जे, नोंतरो आय ! त च्यों जे तडें पां वटे प धामूं (नोंतरो) हूँधो, जाय रखजा ! (जाय=जगाय, पेटमें जगाय रखजा)

वेलेमलजे घरं खाओनें वरी लिखण विठोसें तेसीं तां खीमचंदजी माता सड क्यो अुते भी थोडो खाधो नें पोय आखरमें अश्वीनजे घरें प खाधो !

पोय पछाडजो अिनीं वटां बाजर गिनीं सांजीजो पजे वगें ट्रॅकटरसें पानंध्रॉ नें अुतां बसमें सिज़ लथे नाणसर आयोसें. ट्रान्ज़ीस्टर जया (भेंग)जे घरें छडे आयोसें.

८

होड्डा

बसमें मोमन हो. चें जे, मीयें अलीमामधजो जामीन पोंग नखत्राणें व्यो होसें. गाल करे सुणांयं. मूं च्यो, खासो के ! हाजी जूसब हो. तें च्यो त, छाभस हूवे त, तौं मूंजो नां डिने जे बारें माडूए हाजी वटा मानीं खाधों (होडेंवारें) ! प पोय लालजीजे घरें चोख थिओ तडें मूं च्यो, 'ज मूं लिखायो हो त हेतरा डीं छूट फिर्यो न होंयं! नें जडें मूंजे मनसें चॉकस थींधो जे अओीं होड्डा खणायमें भिरल हुवा, त पोय नाणसरवारा आंके छडींधा तौंय आअूं नओीं छडींयां!'

बसमां लोंधे नें केवलरामभाओी मिल्या. च्यों जे, 'व्यास साहेब (कस्टम्स सूप्रीन्टेन्डेन्ट) पुछा क्यो तें.'

९

मोमनजी मलामत

६-१०-६४ मंगलवारजो सवारमें कनोज व्योसें, लेख कंडकटर भेरा हलाया (अुन जमानेंमें 'कच्छमित्र'जी ऑफीस अेस.टी. जे भुज टेसन वटे हुओी अतरे अेस.टी.जा ड्राओीवर कंडकटर मूंजी टपाल पुज़ाय डींधा हुवा)

कनोजवारेंके च्यो जे, 'सुंदरजी मंडलीके चूंथे छडें 'नें नें अओीं अजा माठ कया विठा अयों से जडें साव बोटी-बोटी अलग थिओी वेंधी तडें 'सा' मूं वटा नओीं पॅ!' नें अिनीके 'आतापी-वातापी' राक्षसेंवारी कथा सुणाओी !

थुडुीये नाथेजो छोकरो भी कनोज आयो हो नें से (गामजो नां) व्योते. मूं मानीं न खाधी. बिपॉरजो हाजी हसनजे घरें निंधर कओी. भागुीयाणींजी धीजो मों डिटो. नां 'जीनत' रख्यो 'नों. खासो नां आय ! फातमाके च्यो जे, 'तौंजे घरें धी ओींधी नें तौंके तेंमें तकलीफ थींधी ! से मोमनजी मलामत तौंते पोंधी नें से भी मूंजे करे! (मोमन फातमाबाओीजो वर. मूं सामें सहकारी

ईश्वरकुलकार (१५) सप्टेम्बर - २००५

मंडळीमें सुन्धरजी नें जमनसा बावेसें भिरीनें-बावेजो मुरीध हो अतरे-वडी खिटपिट कयं होय. आअूं जडें जिजो नाराज थीयां तडें जौरातो हूवे तेंसें मुकाबलो करीयां प जुको कमजोर हूवे तेंके अल्लाजे-परमात्माजे हवाले करीयां नें कडेंक हीं श्राप प डेवाजी विजे!)

१०

कोरीयाणी वारा...

....(कोरीयाणीवारा) सवारो पाज (नाणसर-कोटेसर नें कच्छजी मुख्य भूमिजे विचमें जुको 'राध'चोंधे धरीयाजी खाडी आय तेंते हिकडो लमूं बँटो पुल आय तेंके थानीकजी बोलीमें 'पाज'चेंता)ते मिल्या. मूके डिसंधे घोड़े तां लथा नें पगें लगा ! मूं मनमें च्यो जे, 'ही कँडो माडू आय! मोते खुशामत नें पुठ ते...!' प, खेर ! ब्राह्मणजो धर्म आय आशीर्वाद डेजो. से मूं आशीर्वाद डिनं ! सांजीजो कनोजमें अिनीं वटां रीडणां अध कीलो चिओं आनेंजा गिडा नें लुकमानजे घरें रातजो मानीं खाधी. पोय मांमां मामदजे घरें गचवार अब्राहीम वटे होसें.

तें अग्नीयां भाभी आछू (स्व. लुकमानजी विधवा)के आश्वासन डिनूं जे, 'यकीन रखज, तोंते जुको दुख आय से बारें मेंपेंमें लओ वेंधो!' भाभी मूके लखेजी (अिनजे डेरजी) राव डिनं. मूं च्यो : 'थोड़ी मूके नीरांत थीये त अनुके (लखेके) चोंधोसें.' मूंजे मनमें ओं आय जे, ओ बाओ दुख-सुख डिसी-सओ-सहन करेनें भी अिते थिओ हूए ! विठी हूवे नें जतेंजो चला न करे. लुकमानजी पत्नी ब्यो घर करे ओ गाल-ओ वीचार ज मूंजे मनके सह्य नांय ! सीं जी पाथारीते सीयाळ लेटें ओ सहन कीं थीये ? (ओ बाओ केतराक वरें रओ लखेसें पेंणओ.)

११

लेन्ड मॉर्गेज बेंक

सोमवारजी बसमें लेन्ड मॉर्गेज बेंक (पोय अिनजो नां भधलायनें 'जमीन विकास बेंक' रखेमें आयो तेंजी) घडुली शाखाजा सूपरवाओज़र त्रीवेदी, अिन्स्पॅक्टर (नखत्राणूं) चौधरी 'वा. अुनींसे वाओयेंजी लोनजें गोंटाळें बाबत गाल्लियूं थिओयूं. बुधूशेठ भी हुवा. च्यों जे, 'सुन्धरजीके डुकारमें सुगार करे डिनो!' लालजी नें बुधूशेठ रातजो मूं वटे (घरें) आया 'वा.

१२

जिला सहकारी बेन्कजो धीराण

मंगलवारजी बसमें सिन्धीअें (कृषीधामवारें)के चिटई हलाओ जे, मुलओ नओ. ना.स.नूं मिदुभाओ नें जिला सहकारी बेन्कवारा बसमें व्याते. अुनींसें बेन्कजो धीराण वसूल करे बाबत वीचारणा नें योजना कओ.

मिदुभाओके वार्षीक सभा (ना.स. सहकारी मंडळी जी) बोलायजो च्यो, त च्यों जे, 'बोलाओसे!' मूं च्यो 'कडे?' त च्यों, तिन ज डीं ! मरे वारा अओ क कीं अल! ओ कओयारी व्या नें आअूं गाभेशेठवारे वीठलदास भरो नाणसर आयोसें. वाटमें सुन्धरजी, केवलराम, हीरागर वगरे ज्यूं गाल्लियूं होडेंजे सम्बन्धमें थिओयूं.

आअूं (तराते-सरोवरते)नाय लाय व्योसें ते तडें व्यास साहेब (कस्टम्स सुप्री.) मिन्धरमें मिल्या. सांजीजो तेंरे विजेजो वीचार हो प, मॉडो थिओ व्यो.

* * * * *

ईश्लज कुण्डार (१५) सप्टेम्बर - २००५

સોણેં મેં

ઝુડીયું કરે નેં, ભરીયું બઘે નેં, મૂંજે અંડણ એં મીં વસોં,
એં રાજા મેઘ અચોં આંઉં, આંજે ઘરેં મંડણ એં મીં વસોં.

સાવ વિંએતા નખતર કોરા,
જેઠ આસારોં વઠા ન ફોરા.

આઘા મેં કાયમ વા-જી, અજુ લજુ રખણ એં મીં વસોં,
ઝુડીયું કરે નેં, ભરીયું બઘેનેં, મૂંજે અંડણ એં મીં વસોં.

વતર કે ખેતર સિકેંતા,
ઓંગન પણ જલ કે સિકેંતા

આય જુગેં જુનું નાતો ઘરાસેં, ફિરી સંઘણ એં મીં વસોં,
ઝુડીયું કરે નેં, ભરીયું બઘેનેં, મૂંજે અંડણ એં મીં વસોં.

મોર મિઠા મલાર કરીયેંતા,
તાડા હાંણોં તવાર કરીયેંતા,

જીવ માતરજો જીંચણ-પંઘ, પાર પુજણ એં મીં વસોં,
ઝુડીયું કરેનેં, ભરીયું બઘેનેં, મૂંજે અંડણ એં મીં વસોં.

- હરેશ ઘરજી 'કસભી'